

2025

**MAOLA**

(Modern Indian Language)

Full Marks: 100

Pass Marks: 33

Time: Three hours

Anokowo hi A, B, C, D, E tto omu pongo bue.

Anokocho marks hi izhopo lopu hekhi pihi thoe.

OMU (Section - A)

Mocholeshe Kophroleshe (Prose)

Anokowo na hi olapo 80 – 100 leino kola rühio

1. Leshi kosü tikocho vahino nile amochi oko korü kali rühio. 5

Anokowo khruhi olapo 40-50 leino kola rühio.

2. Tolejü ye head clerk süno adeidei kophroe? 3  
3. Ojüphe ovosi pfotho no vachu vate pi kowo meita hi kohibvüo omei kakrū dzüno ota krüe? 3

Anokowo khruhi olapo 30-40 leino kola rühio.

4. Swami Vivekananda no netomei vano pe kada chü sü adei koe? 2  
5. Shudzüni hi kohibvü kocho netomei koe? 2  
6. Khetsüra hi nulo koru duno ilelo moli shüe tto W. H. O. no kape kahei rühio. 2  
7. Khudzü kocho zhi hi kohibvüo sowe? 2  
8. Macha kozü chü hi adei kosomei no vu towe? 2

P.T.O.

**Anokowo khruhi olako kali leino kola rühio.**

9. Opfũ no ona yi khetsũra kala pilo koru ozhi chũ zhoko bue? 1  
10. Geppetto yi hi Omopi tto mala hili adeiso pratiwe? 1

**Pihi kotho khruhi phrolowo amachi na sũ rühio.**

11. Onamei pfoto hrũ ada mazhũ pfo buli imei hi... 1  
I) Khusũ zhũ shuwo hrũlowe  
II) Ohrũ hrũ mama tatiwe  
III) Kana koyi sokhro piwe  
IV) Omei no itsũ mokhro piwe.
12. Tolejũ no othu ozho nekowo hi pfono pfo adei sole ticho .. 1  
I) mochoto tto sokrũ khiwe  
II) Mocho pralo chomoe  
III) Sokrũ hi thoe khralo chomoe  
IV) Mocho mazhũte

**OMU (Section - B)**

**Chashila (Poetry)**

13. 13. 'Kakhri kakha' tikocho chashila nahi rũzhu (summary) rühio. 5  
14. "Zhekro vulo kari chũkhrito no, ozhe dzũ mohruto lo ritiwe". Hehi no kashio no imei kohrũ lei adei pepi niwe? 3  
15. 'Kaniko sũ zhũlo se,  
Pralo sũe kaniko sũ.  
Bave bue atupra lole,  
Phipri ti prite lo'.  
Adei yi pewe rühio. 3  
16. 'Akhũsũ lohro tie tto mochowobumei' ticho hi adei vano pewe? 2  
17. Opha Phiko ticho lei hino adei yi pepiwe? 2  
18. 'Sherao' ticho chashila lei hino nilei yi pepi kowo motsũ na sũ adei koe? 2  
19. Okhe movuo sũ athe koe? 2  
20. Kape lo chutie tili adei no athifũ pfo kowe? 2  
21. 'Mahra loti veizũle' ticho hi adeitiwe? 1  
22. Motu tawo ni komo sũ adei koe? 1

23. Nu koche pei kohro sü.... 1  
 (I) Imei  
 (II) Khena  
 (III) Ruho  
 (IV) Opha
24. Ozhi pule nghie tto akretili... 1  
 (I) Omu kazhü pfomu le  
 (II) Ongho sü nola hotile  
 (III) Amani sü nelo le  
 (IV) Opfü phe zhüo atsü lole

**OMU (Section - C)**  
**Kophro (Reading)**

Opha kali he, ona neto kali Chokhoni tto opfü ye opfo yi sü sao hrüe. Lopei hi onga yie ye ikhrunamei no pfoyi hi odzü pashu pfo buwe. Pfo hi kolo sosü pratie ye lopei hipei no omei sü no ano vutie. Oshu Kojümei süe ano vue ye oshu Ememei süe anole to vue. Chokhoni no oshu Emepfona yi sü odzü pawo bue ana opfü opfo süno oshu Kojümei chü sü movu leto mocho lotie.

Chokhoni no ozhi ngho omu pfomue ye pfono keitho opfü he sü hi bvüo pe, "Olei kovo kono zhevu apishu totsü lei no choro pfo tatie, titi no shülu sama." Opfü sü no hibvüo pe, "Ana na, ni mu shü tisho, chaka zhojü sowo onghi ttu koshu khroe". Süthi süe ozhingho keitho omu sü pehie, "Oshu Kojümei pfo kahei süno inghu monü sü pfolowo amolü totsü leino he wotie, shülu sama" to pehie. "Ana na ni mu sü shüe tishüe çhaka nina nari pfoto hrükolo khroe" to petie. Chokhoni süno kola süpe, "Apfo chüzüle, apfü chüzüle, südu sü onghi zhe khitho, südeni tho a kosü, aromei phowo, thini tho ayi salo tto mape hida."

Opha sü koti lie, Chokhoni koli na Kojümei chüsü lo tatie. Oso oru kaprü fülhe lei sü taloe. Pfomuko no kane sü bvüwo oshu Kojümei pfo kahei süno ingho monü sü pfo nghodzü süno ala lotie ye pfo he sü no choho anotie. Lopei süno kola sü pepie ye pfozhu süe pepie. Süthi sü oshu Kojü pfo kahei süno Chokhoni pi sü valotie. Okhei dzü sü Chokhoni no pe, "Aprowo pfolikhrü bvü kohrüwo ochü Zhoniwo oru zhoniwo tto kaleimei, izhowo, Chokhoni mokhu sü pholo motie sa?"

25. Adei koso mei no Chokhoni chü sü ano vue? 2
26. Chokhoni pfü pfo no athe chü movu leto mocho lotie? Chokhoni hi vuniwo homoe? 2
27. Chokhoni no adei mu pfomue ye opfü no adei tto pepie? 2
28. Oso oru kaprü fühe lei ta kolo chü sü adei sotie? 2
29. Okhei hesü Chokhoni no adei chü pepe? 2
30. Chokhoni pfü no omu koda pra kape hi... 1
- I) Vutulo motie
- II) Sümo tie
- III) Vutulomotie
- IV) Machimotie
31. 'Aromei' ticho hi 1
- I) Saba mani no pewe
- II) Koto kosho pewe
- III) Koto koshopewe
- IV) Kobvo chüsa no pewe

**Meike lo kobo onato.**

Opha kali he inu kali lei no ona pfoto kali hrüe. Pfo hi kolatu kokhumei kalie. Kaniko pfono kolatu khule tto ojüpfoki kali he hoprae. Sühe süno pfono itsü kashü mocho pralowo pfo inulei mei yi kola pile tto mocho pralo tie. Pfo no ojü ingho kali he kolowo shawope, "Sokhropio, kolatu khruhi imichüsi no tsüto leto butie". Sühe süno inumei sü okhro inghu pfolowo kotho kola ojüpfoki hesü chuprae ana pfokhrumei süno kolatu khrosü mani makrü pfo opro towo kobu sü nelotie ye kokhu pfonta süno pfokhrumei yi sü krunüwo pfono kozhao se tto petie. Süthi se karisü bvüto tto inumei yi sü kola kahei, kosü khrotie.

Kaniko onapfoto süno kolatu khru sü ojüpfoki va sü hopra hie ye sübvüwo kobu hesü no imichüsi kali no vu pfo kolatu khrosü tsüto leto butie ye lona süno shawo pe, "Sokhro pio imichüsi no kolatukhru yi tsüto leto butie". Ana inumei süno süsü chowo bue ole nopi motie ye pfo kolatu khrosü tsüto khriti lotie.

32. Oko hi phrolowo, onapfoto na hi kohibvü kocho meita koe ticho sü rühio. 3

**OMU (Section - D)**

**Korü (Writing)**

33. Larü modo namei ye mobile phone ticho vahino korü (essay) kali olapo 100-110 kotu leino rühio. 7
34. NH-2 lovahi chohro (rainy season) lohie shūmashū shuwo kobu hi kadewe ye azhūmei hi oke kashū hi kade shutiwe. Sangai Express editor hekhi mapechū kali rühio. 5
35. Ni hi Elozūa koe. Mao Maram High School Tadubi heno obvū chūro modowe. Ni chūhe no vu modo pilo koru (home tuition) Maths oja kali phowo bue. Olapo 50 khru leino Hills Hornbill Express leihi advertisement kali rüprahio. Niyi keilo koru Number number no 1234567890. 4
36. "Osi hi omei kasa kazhūwo se" ticho vahi no azhi pongo phako rühio. 4
37. Nitamei larü chū leino mopfule lei kokru kocho (annual sports) va hino larü chū magazine leihi rüprahio. 5

**OMU (Section-E)**

**Olalu (Grammar)**

38. Kosopfū hi adei tiwe? 1
39. Zhukothe hi ota chūzhoko bue? 1
40. 'Kokha meino chūve pфона yi sū tokri lotie'. Olapo kona hino Mosona zhuko koe? 1
41. Pitula hi adei tiwe? 1
42. Pfono chūkhū hrukro kro tie jū! 1
- (I) Pepra kapiro lako (II) Kohicho olako
- (III) Kosūcho olako (IV) Lehre olako
43. Manikho no... .. leino ovu vuwe. 1
- (I) Toprū (II) Thopri
- (III) Thoprū (IV) Topri
44. 'Saloni no osi yi sawo Tokhu phe pratatie'. Hehi Saloni hi 1
- (I) Kosopfūkoe (II) Sopfūlikoe
- (III) Zukothekoe (IV) Peshukoe
45. Aye ta niwe... .. ovo no solo shūtie. 1
- (I) Ye (II) Hokhe
- (III) Ana (IV) Moeh
46. Pitula hino olako moe olapo kahei yi 1
- (I) Koso kopfū pepiwe (II) Pei kohrū piwe
- (III) Koko chūpe tiwe (IV) Pepiwe
47. Manizūo he kosa... ..kajū kali bue. 1
- (I) Pfoto (II) Phodu
- (III) Khelo (IV) Tulo